



ル 5  
3140  
1





凡 5  
3140  
1

序

邑

邑之有志何昉乎昔劉向畧  
言郡國地域始禹使朱贛條  
其風俗班固因之為地理志  
其於人物表特附列八志外  
至括地志始彙收人物厥後

昭和十四年  
六月三日  
購求

邑

序



郡縣各自為志往以人物為  
重畧分門類任意標題殊乖  
體制同治庚午秋余奉

命典守括州下車後採風問  
俗得閱衆水舊志知為道光  
丙午孫令張君鏡棠所編等

也隸事謹嚴纂言扼要體例  
頗為精核允推善本咸豐戊  
午辛酉迭遭粵匪竄陷版燬  
無存民間藏本亦數余深惜  
之即議令重修付梓因歲未  
大稔事暫寢越二年比慶有



休適彭明府澤之來宰是邑  
余竊喜曰鉅典之修明蓋有  
待乎其人乘乎其時也及今  
不為釐定將歲月愈深見聞  
滋謬老成代謝典籍淪已不  
唯無以備掌故且使前人之

傑作空委諸蕞沒不傳能不  
負大慰乎彭明府奮然而起  
曰是有司之責也遂集紳胥局  
遠紹旁搜凡兵燹後戶口賦  
役公署祀祠書院嬰堂橋梁  
水利之更新修復者必詳敘



因革顛末縷晰條分其當時與  
難亮節孤忠咸訪事蹟而臆  
列焉無糞采錄者則類次其名  
至丙午以前不涉變更者一  
仍情志之舊所謂前事不忘  
後事之師可按籍而稽也閱

十月而稿成明府請余鑒定  
並為文弁其首余披覽一通  
歎其洪纖畢具綱紀粲陳要  
而能章備而無冗彼潛洗友  
臨安志羅端良新安志不得  
專美於前矣其足供太史氏輯



軒采擇不誠信而有徵哉抑余  
更召進者彭明府懷啟樸之才  
具剛方之概勇於任事廣以飭  
躬今且為民導植桑蔬事興  
課士學田行見夜養聿隆民  
氣文風蒸蒸日上其所以慰

余厚望者又曷有窮期耶

同治十三年歲次甲戌嘉平月  
欽加三品銜知處州府事加三級  
紀錄三次元和潘紹詒撰





廣平縣志序  
 予自束髮就傅閱家中舊書得鄉先  
 輩曹公掄彬所撰處州府志時猶不  
 知處之為何區也然心竊慕之以為  
 士君子不得登著作之庭鋪張鴻藻  
 倘得出守方隅編輯志乘備一邦文  
 何益乎三年於茲矣甲寅歲暮平旦  
 余對酒賦詩又昌本縣賦雅

序

予自束髮就傅閱家中舊書得鄉先  
 輩曹公掄彬所撰處州府志時猶不  
 知處之為何區也然心竊慕之以為  
 士君子不得登著作之庭鋪張鴻藻  
 倘得出守方隅編輯志乘備一邦文



獻亦史家之遺也逮戊辰通籍捧檄  
來浙權慶元篆始至處州而處之人  
頌曹公之德不衰然後知其政澤及  
人不徒在語言文詞間也十年補麗  
水令甫下車又得鄉先輩張公銑所  
纂麗水縣志亟披讀之見其體例謹

嚴文字雅潔有良史材然自戊午辛  
酉兩經兵燹版遭燬書之存者亦寥  
寡矣越二年歲稔民和集都人士議  
重修都人士欣之樂從遂鳩工設局  
將從事焉而或者曰子欲修志續修  
乎抑增修乎予曰然古有著國史補



者矣有續後漢書者矣原其意旨各有所歸若邑志則輿圖猶是疆域猶是山川物土亦猶是續而修之其將以何為發端故續修不如增修宜或者又曰續修之說矇已喻矣若增修得毋蹈襲而攘美乎予曰不然馬遷


作史記齊楚韓魏世家鈔國策矣孟堅作漢書蕭曹韓彭列傳鈔史記矣後世不以為譏競稱其得孔子述而不作之旨予之增修亦此志也或者默然退迺取舊志之訛者正之漏者補之當削者削之宜增者增之刻既



竣述顛末於左不敢避蹈襲之嫌亦不致貽攘美之誚期無忝於鄉先輩曹張二公是則予之私衷竊慰者已同治十三年歲次甲戌仲冬月賜進士出身同知銜知麗水縣事加三級紀錄六次黃平彭潤章自敘







舊志原序

郡邑之有志所以紀風土考制度也顧直省有通志矣而郡復各有志郡既有志矣而縣復各有志良以轄境既廣勢不能於偏隅之地覩縷無遺以故郡志視省志加詳而縣志又視郡志加詳俾考古者循流溯源而益觀其備則縣志不容或缺也麗水爲枯郡首邑向無縣志僅散見於郡志中余校士枯州嘗取郡志覽之見夫枯蒼舊俗志雖舉其大概而歲久失脩已百餘年因革制度攷鏡無由今邑侯蒙化張鏡蓉同年徵文攷獻輯輯縣志視郡志所載益加詳備書成乞余一言弁其首



卷之十一  
余謂作志之難猶之作史子目冗碎體例不精其病也  
瑣發潛闡幽闕漏不備其病也踈采訪人物傳聞不實  
其病也舛輯錄詩文抉擇不精其病也蕪前人有志而  
後人修之尙不免踵謬襲譌况創爲新志乎是書凡例  
標舉諸病斤斤審慎詳簡得宜甄綜有法誠使處郡十  
邑踵而效之各修其志然後彙而萃之纂輯郡志則君  
躬始之功不愈偉哉抑又聞之麗水俗尙儉樸人重本  
業守禮奉公昔稱易治茲際  
隆盛之世休養生息涵濡

聖澤至深且久則醕儒蔚起必有可垂諸志乘者君綱

羅舊聞於孝弟廉節之大必備書之以資勸勉則又良  
有司振勵風化之深心而邑之人當俛焉孳孳以求至  
於風醕俗厚之休者也余故樂爲之序道光二十六年  
四月浙江學政吳鍾駿書

往時闕明一統志而恠其踈舛之甚也旣而思之編纂  
者多本於郡邑志乘而志乘之作不必盡出自通才如  
劉子元所云真僞不別是非相亂競美所居談過其實  
者蓋多有之持擇不精則遂以彼冊之瑕爲我書之玷  
矣

昭代



列聖相承館撰諸書悉稟承

宸斷故皆矜慎不苟而

大清一統志自

純皇帝勅撰成書以後

特詔重修

睿皇帝及我

皇上咸委任詞臣隨時修葺未始迫以歲月蓋欲實事求是矯私家誌乘之誣也張鏡蓉明府纂麗水志山川物產率得之目驗不爲恢張卓詭之談人物見於史傳者則具錄全文采自輿論者必考其實行其他利弊所

在則因革必詳詞翰雖繁非殊尤不錄而稗官小說新奇之詞不與焉使以此供館閣取材則裒集者當用力少而收功倍何至有踈舛之虞哉顧余於鏡蓉則尤有進焉李宏憲職居台衮而自序元和郡縣志以爲成當今之務樹將來之勢者莫此爲切蓋欲覽者考鏡得失見諸施行也今以鏡蓉書核之通濟渠爲水利所關近歲未之或治也書院爲人才所自出往昔奚爲中隳也語曰君子信而後勞其民鏡蓉力政勤民民信之矣庶幾經營倡率次第修舉乎余將泚筆而書其事焉道光二十六年二月溫處兵備道慶廉撰



志乘之作使覽者不出戶庭而悉其土地之利病舉凡司牧之官與道藝之士考鏡得失咸有取焉明世以來偏隅下邑咸編香成書而麗水爲栢州望縣乃獨無之蓋地當甌閩咽喉政煩事劇備官者率無暇以爲而記載流傳燬於寇兵蕩於鴻水方聞之士雖有志撰述每苦蒐訪之難也滇南張鏡蓉明府有良吏才事無纖巨迎刃而解莅治期年民以大和乃奮意創爲之明府之言曰志之美者二端曰博瞻曰簡嚴范至能之吳郡潛君高之臨安宏整富麗斯爲美矣然必有故實以供鋪陳有文獻以資考證聚材集益用成偉製若是者吾不

能也康德涵之武功韓汝度之朝邑甄林誇詡推爲絕手然謂宏綱細目盡括於數篇之中豈其然哉若是者吾不爲也吾稽之簡冊核之碑碣詢之故老而旁搜於吏牘是者筆之非者削之疑者闕之如是焉而已余聞之歎其持論之平稿且削余謬膺卓薦將入觀取而讀之每盡一篇未嘗不稱善輒爲品藻之曰慎而不漏該而不侈其紀事也質而不俚典而不雜其修詞也其諸古之所謂彬彬者歟書以爲序識者必躉余言焉道光二十六年二月處州府知府恒奎撰

昔人輿地之書如元和郡縣志之屬準道里之遠近審



形勢之要害詳貢賦之等差取與史志相參而已至樂氏太平寰宇記廣而及於人物自是郡邑志乘咸列爲標目遂與史傳相表裏矣張明府鏡蓉纂麗水縣志成於人物一門特爲矜慎而議者謂其兼記善惡錄及瑣事殆不無遺憾焉余取而讀之而知議者之言不足以相難也何也史傳乖千秋之褒鉞志乘爲閭里之光榮厥旨稍殊其爲直筆同歸也果其人爲桑梓之玷削而去之耳若瑕瑜不掩從其實而書之卽一人之身而懲勸昭焉是良史之意而直道之行也如周益公碑梁汝嘉言其阻和議薦韓岳而宋史謂其黨於秦繆醜片語

之岐品殊蘭棘雖益公通才名德斷非謾墓然必執碑文以議史傳是爲阿矣兩列以志存疑不知蓋闕君子之用心也瑣事者亦問其事爲何等事耳如此事足爲矜式錄而傳之使聞風興起蒸成善俗固良有司責也且司馬氏傳游俠范蔚宗傳獨行夫非一節之美哉若僅侈科目之浮榮略躬脩之實行有宋梁克家氏三山志不嘗見屏於儒林乎故曰議者之言不足以相難也余自少歲試吏浙中洵更守長迄今三十餘年每念浙爲先世節鉞舊邦謳歌未泯所至必訪求志乘考鏡得失以無貽前人羞麗爲倚郡望縣而記載闕如方爲搯



麗水縣志 卷之一  
五  
腕明府乃能徵文考獻勒爲成典昭示來茲非余之深  
幸哉是書體例之善學使吳公已備言之余特因人言  
而折衷之且以志私心竊慰者如此道光二十六年署  
處州府知府方秉譔

麗水縣志

督修

欽加三品銜浙江分巡溫處海防兵備道兼管水利事務加六級紀錄十二次 方鼎銳  
監修

欽加三品銜浙江處州府知府加三級卓異候陞紀錄十二次 潘紹詒  
總修

欽加同知銜麗水縣知縣加六級紀錄十二次 彭潤章  
協修

麗水縣儒學教諭	李恭潤
麗水縣儒學訓導	張侃



督捐

麗

水

縣

縣

丞董任毅

督梓

麗

水

縣

典

史唐鳳采

麗水縣志

麗水縣志

參校採訪各姓氏

鄭以德

貢生

王庭芝

貢生

楊世環

附生

葉貞泰

貢生

王如辰

貢生

葉文濤

貢生

徐志高

訓導

王光祖

附生

潘紹唐

職員

吳德馨

廩生

李國材

廩生

陳出新

貢生

陳鳳鏘

貢生

翁廷璣

貢生

王星文

貢生

葉文瀚

職員

麗水縣志

姓氏



程鴻勳 附生

朱有燦 廩生

曾紹先 監生

王宗誥 廩生

王有聲 監生

呂孔照 增生

楊獻瑾 貢生

潘呈材 職員

董源 增生

楊守謙 廩生

胡梯雲 廩生

沈毓彥 附生

黃安瀾 訓導

陳圭璋 貢生

翁廷諤 增生

朱為琅 貢生

王雲章 貢生

陳德瑩 附生

葉鳳儀 附生

何學鏗 附生

姚廷選 監生

趙克儉 職員

葉承涓 訓導

林萃英 監生

褚藻 廩生

許德峻 貢生

王國璋 附生

周之瑞 附生

章大經 附生

戴薰 附生

湯克俊 廩生

徐自華 附生

王庭藻 附生

項培森 附生

徐庭 附生

朱琛 貢生

林鍾英 貢生

王世昌 附生

葉誥 監生

李友槐 附生

姓氏



會潤身 貢生

李國升

闕廣揚 附生

林萃良 增生

葉德華 附生

葉大鈞 附生

楊壽椿 附生

吳邦彥 監生

葉謙 附生

曾潤章 監生

林肇元 監生

李雲聖

陳其璧 附生

常茂才

魏泰 廩生

程步雲 附生

潘兆龍

葉鳳翥 附生

徐自遠 附生

曾道任 附生

麗水縣志目錄

卷一 圖

卷二 疆域 附沿革表 城池 公署 學校

卷三 山水 水利

卷四 田賦 戶口 積貯 兵制

卷五 祠祀

卷六 古蹟 冢墓

卷七 寺觀

卷八 職官 宦績

卷九 選舉



卷十 人物

卷十一 人物

卷十二 列女

卷十三 經籍 風俗 物產

卷十四 兵戎 災異附

卷十五 雜記

麗水縣志凡例

麗水縣知縣黃平彭潤章重修

麗水向無縣志道光丙午張鏡蓉先生勗為是書詳

簡得宜甄綜有法素稱善本今因其舊益以新獲

續貂之誚在所不辭惟兵戎災祥舊列雜記今為

特立專門以昭體例

志乘之體首貴簡要然事關掌故者不宜過為剪薙

明代朝邑武功二志數百年來推為傑作然以矯

冗漫則可謂盡得要領或未也今酌施豐約不敢

以疎畧為高簡使徵文考獻者有不備之憾



子目繁碎爲志家大忌邇日偏隅小志多有徵事寥寥而虛張篇目詭冒詳贍者是自欺以欺人也今於門類可省者概從合并

星野之說言人人殊究以何者爲定縱使言成準的而一星所占其度甚廣安在私照百里乎此在全省通志自可列爲專門而州邑私書決當削其標目

班書地理志首載禹貢劉子元譏其失於限斷麗水得名始於唐代旋析而爲縉雲青田復析而爲雲和宣平今一以見在疆域爲斷其已析爲他縣者

概不闌入而備著沿革於表內以識數典不忘之意

名山勝境經題品而益彰麗爲浙東僻縣逸客高人罕聞戾止而宦轍所經不免勞形簿帙探幽陟險在所未遑故有勝水佳山而嘉名未錫者亦不敢妄爲標目自我作故

近代志家於學校一門載及頒發之書籍祭樂之器物此乃率土所共安見爲一邑所獨乎且充其類則樂舞之篇章拜跪之儀節亦當逐一臚陳豈勝米鹽乎

明李之藻類宮禮樂疏固別自成書矣

會稽實齋章氏雅號



通才乃從而為之詞波流弔靡殆絕知者之聽

職官一門文職斷自知縣以下武職斷自守備以下

不及統轄大僚縣志之體也其有功績顯著如濬

渠興學之類仍依類直書但不入表不裁傳以明

限斷耳

舊志人物但分時代不立標目猶羅端良新安志潛

說友臨安志之體也雍正處州府志好事紛更標

名世為專門已屬杜撰甚且勳烈經濟安生區別

篤行隱德隱德之外復有隱逸亦判畛畦割裂糾紛殊乖大

雅蓋效施武子會稽志而其失彌甚者也武子既有人物

傳復有經學文章宰輔侍從等名豈經學諸公不得為人物乎今悉從舊志而殉

難諸人其行事不概見者附列其名焉

人物無論事蹟鴻纖均宜徵實乃有史傳彪炳而枯

蒼彙紀及雍正府志所載寥寥數語僅以空言致

美者非體甚矣今史傳具錄全文不遺一字至墓

誌神道碑等則恐涉阿私慎為擇取其他空言致

美者亦過而存之恐係當筆者之疎畧未必其人

一無可道也

明史以盧鏜為汝甯衛人考鏜先世於永樂初入處

州衛今宅廬冢墓一一具在不得以史傳誤著其



祖貫而外之也沈練隸紹興衛故明史以爲會稽人然題名碑尙署麗水人康熙中知府周茂源請祀麗邑鄉賢部議准行則宜歸甄錄矣他如葉清臣初非麗產當糾舊紀之違葉夢得自是吳人不踵潛溪之謬見宋集葉府君墓碣凡此之倫務求確有據依不欲強爲攀附至浙江通志謂梁汝嘉諂事秦檜舊志曲爲揄揚是非失實考周必大譔汝嘉神道碑稱其阻和議奏用韓岳諸將正與史傳相反又考咸淳臨安志歷著其知臨安功績復與史傳相合其間異同之故難爲臆決故直書史傳摘附碑

文以志存疑

功令刳股者不以孝論立意最爲深遠但能不惜支體以療其親則他無悖德可知今男婦有刳股等事者竝爲采錄蓋律令損過以就中所以設大法志乘表微而獎善所以順人情固兩不相妨也職官人物見存者不得入傳惟貞節婦女則無問存歿均得收采考浙江通志列女門或但書姓氏畧無事蹟誠以婦人不與外事而操行完潔者尤多足不踰梱無從載筆也今凡年例符合輿論允協者雖事蹟無徵竝爲登載至三十後夫亡者例不



旌表考舊志凡守節在三十四五以前竝現年未及五十者別爲一類附綴於後此善善從長之義也今仍而增之若改易年歲遷就旌典則斷所不出耳

范至能吳郡志詩文散見各門不立專目舊志用其體今仍依類綴輯而以諸家著述書名做班書之例列爲藝文

栝蒼彙紀所錄詩文多有可觀雍正府志續收則披沙竟日見寶無時矣今詳加別擇甯嚴毋濫至唐人洞溪十詠雖故籍所有諷語意而決其僞放翁

南園諸作雖本集所無審氣格而定爲真棄取之間各有微旨

府志藝文卷內舛謬甚夥如文之有碑銘首尾具體也乃析爲異卷詩之分古律途徑各判也間混爲一科他若劉巨濟三巖紀遊謬入之靈鷲王介甫天童有作強移之石羊凡此之類竝爲釐正記事之文有關掌故及文詞爾雅者咸宜登載然或篇幅龐鴻勢當節刪以省卷帙但不敢因刪節而有增改致蹈謬妄之譏

麗邑前修著述甚夥自更兵燹不特卷帙無存卽梨



素亦歸蕩泯秀水朱氏經義考古籍缺佚者亦載其目今凡書名確有依據曾爲賢達所褒雖本書未經寓目竝著於錄倘名山儲藏銷蝕未盡好古之士得按目以求焉

酈善長注水經廣收前代碑碣後來作志乘者率師其意至至元嘉禾志定卷纔逾三十金石乃居三之一以足與史書參證也嘉興李金澗學博曾撰枯蒼金石志麗邑古刻已蒐輯無餘故是編不復詳及

咸淳臨安志取材舊籍多註明出處最爲典核嘉泰

會稽志則雜施於神仙及雜記門中恐語涉不根易招掊擊也今惟史傳必註明某史本傳庶無攘善之嫌至仙釋裁篇雖本前修初非通例但散見寺觀門中而鑿空之言仍所屏斥

里俗通行之字書壞爲圪堰爲圳衙爲弄之類今俱

改從本字又有坡音安畹音奔蟾等字爲字書所無而

官司冊籍農田契券時或遇之初不知其本字何作無從訂正姑因之以便通俗

胡身之注通鑑於舊注時有糾正自序云人之失吾知之吾之失不自知也今於舊志間有糾正而疎



暑之愆仍所不免幸通才達識匡其不逮焉

麗水縣志卷一

麗水縣知縣黃平彭潤章重修

圖

元和郡縣志諸鎮之首各冠以圖猶周禮土訓掌  
道地圖遺意以阨塞要害按圖以求易以為力也  
近日志家或僅圖登覽之作以為觀美失其旨矣  
今於諸鄉各繪為圖俾井里山川瞭如指掌焉



麗水縣境全圖




北武義縣界









縣城圖







縣治圖









縣丞署圖








學宮圖









一都圖

南明

嶺井天









二都圖









三都圖







四都圖





五都圖

五都圖




麗水縣志


卷之一









六都圖









七都圖








八都圖








九都圖









圖

十都圖









圖


十一都圖









圖都二十









三十都圖








四十都圖








圖都五十








圖都六十








七十都圖








圖四都八十







圖外都八十







圖都九十








十二都南面圖









圖面北都十二







圖都一十二














二十二都圖下









圖都三十二








圖都四十二








鳳山縣志  
卷之二  
圖




圖都五十二

鳳山縣志  
卷之二







圖都六十二









圖都七十二









圖都八十二








上圖都九十二


雁方縣志

卷之一







下圖都九十二







圖

圖


圖

圖


圖

圖







圖都一十三









圖都二十三









圖都三十三








圖都四十三








大汛

圖

里



好溪東北渠圖

好溪


沈岸

何村

水東




通濟渠圖



通濟渠圖

通濟渠圖

通濟渠圖




通濟渠圖

通濟渠圖


通濟渠圖





麗水州

萬象山圖






皇朝一統志

圖

卷之六



三巖圖








南明橋


南明山圖








白雲山圖







豆府縣志

卷之二

五



